

無祀壇

萬曆癸丑

漳州府志

下冊

明
閔夢得修

中國人民政治協商會議福建省漳州市委員會



廈門大學出版社
XIAMEN UNIVERSITY PRESS

國家一級出版社
全國百佳圖書出版單位

漳州府志

萬曆癸丑

明閔夢得修

下冊

中國人民政治協商會議福建省漳州市委員會



廈門大學出版社
XIAMEN UNIVERSITY PRESS

国家一级出版社
全国百佳图书出版单位

图书在版编目(CIP)数据

漳州府志/(明)闵梦得修. —厦门:厦门大学出版社, 2012. 8

ISBN 978-7-5615-4368-9

I. ①漳… II. ①闵… III. ①漳州市-地方志-明代 IV. ①K295.73

中国版本图书馆 CIP 数据核字(2012)第 197040 号

厦门大学出版社出版发行

(地址:厦门市软件园二期望海路 39 号 邮编:361008)

<http://www.xmupress.com>

[xmup @ xmupress.com](mailto:xmup@xmupress.com)

漳州市桥南印刷有限公司印刷

2012 年 8 月第 1 版 2012 年 8 月第 1 次印刷

开本:787×1092 1/16 印张:166 插页:8

印数:1~2 000 册

总定价:900.00 元(上下册)

本书如有印装质量问题请直接寄承印厂调换

漳州府志

第七冊

第十九卷

人物志四

唐宋列傳

第二十卷

人物志五

宋列傳

第二十一卷

人物志六

國朝列傳

元列傳

漳州府志卷之十九

人物志四

夫人文關乎氣運若時至物昌莫知其然當垂拱
肇創鈴戟愴攘迨貞元元和而得佳士爲稀瑞矣
其在本耳則挹水于河之津而索馬于唐之肆也
賢書登于冊府世家具在譜牒纓珥蟬聯未爲侈
美而乃有家嗣洛脉矩步前軌嚅嚅道腴標勝名
理立功立言又其次焉而孝娥貞媛玉潔蘭芳高
門懸薄所在而有斯豈其晞念于鼎鍾結情于彤
管者乎留陳以前草昧未豁是後五百年間德範

漳州府志 卷之十九

三直士墓

榮名絢爛昭灼殺青所載猶恨或畧王忠文詩云
科名唐進士道學宋先儒宗源旣澄弘派斯衍過
此以往豈有限閼哉爰輯其故傳續以近哲作人
物傳

唐列傳

周匡物

兄匡業

潘存實

陳珣

周匡物字幾本龍溪人元和十一年進士及第初匡
物未第時賦軒轅古鏡歌知譽一時有欲向高臺對
曉開不知誰是孤光主之句王播見而異之曰會當
與此子作孤光主耳至是果爲播所舉士唐自嗣聖

開漳百二十年登進士者自匡物始御試學殖賦驚
出谷詩爲時傳誦嘗讀書天城山天子勅改爲名第
山遂號名第先生仕至高州刺史兄匡業貞元八年
明經登第爲鄱陽縣令與匡物齊名子漢傑授當州
司戶叅軍後爲漳浦縣令孫鄢脩明經術有祖風五
世孫仁祚入宋太平興國二年郡補爲經業長

潘存實字鎮之漳浦甘棠人與周匡物相善讀書天

成山又自脩業於梁山時稱周潘二先生初應舉以

晨光麗仙掌賦

賦見藝文志

及雙陸子賦得名元和十三

年庾承宣侍郎下試修禮耕情田賦玉聲如樂詩入

格及第實嘗有王佐之志覽郭璞閩城記云南臺沙
合卽出公輔遇來者每詢江可揭衣否或云未也實
乃不憚歷官南省郎中東宮左庶子累遷戶部侍郎

陳珣字朝珮先固始人祖政父元光開漳因家焉珣
受學於許天正以善詞賦稱光每對客觀之曰是兒
非戈戟下士乃臺院秀儒也萬歲通天元年舉明經
及第見武后稱制疏乞歸養龍溪尹席宏聘主鄉校
闢書院於松洲與士民講習是時州治初建俗尚固
陋珣開引古義於風教多所裨益子鄴寧遠令鄴三
子錄謨訏詠爲恩州幕官唐末刺史鄭昌士所辟也

讓討俱仕五代昫父子至宋追封侯爵州人祀之

王 勇 王義童 王彥昌 赫連韜 謝 脩

洪文用 石 蕢

王勇王義童舊皆瑯琊人徙居龍溪勇改為東衡州

刺史義童初為泉州都督

淳祐志督字下有缺文王義童又見通志秩官表長

樂郡刺史福州都督武德末年任按閩中唐稱泉州亦稱長樂郡即今福州武德唐高祖年號時龍溪尚

屬武榮州王勇事未詳宋吳興與漳州圖經序云王使君之勲烈標時事蹟當必有攷

王彥昌先瑯琊人自東晉肅侯彬

王導從弟封都亭侯謚肅

遷于

閩世居龍溪又自龍溪分置漳浦是為漳浦人彥昌

唐末官至檢校司空當寇亂之時獨能扞禦強梁為

漳州府志

卷之十九

三

四百三序

鄉邦依子孫因其資力皆謹朴自守邦人稱之

出鄭俠王

誌氏墓

赫連韜漳浦人會昌咸通間士多困蹟而連韜與莆田陳黯並祭酒布衣有聲黃御史滔謂其以不羈之材出人之行懇懇乎進趨恂恂乎鄉黨而自坎于命時又有莆王肱蕭樞林顥福州陳旣陳發詹雄與黯韜同時名價相上下稱八賢

出黃滔序

謝脩洪文用石蕢三人俱以詞藻爲時輩所推相與爲巖澤游居青礁卽今海澄地也自廣明西幸志士耻於事虜謝脩遁迹必俟光啓迴鑾乃出尋擢上第

倒數第 1 行

自廣明西幸志士耻於事虜謝脩遁迹必俟光啓迴鑾乃出尋擢上第五季分崩仕者各擇其主洪文用終不爲時屈石蕢以世胄薄游鯁論忤時浩然而歸

上季分崩仕者各擇其主洪文用終不爲時屈石叢
以世胃薄游鯁論忤時浩然而歸三人家相望數百
年清風照世後人因其所居之山名爲文圃山嘉定
間鄉人楊志作三賢堂西蜀何致一爲之記

論曰周刺史潘侍郎節足先鳴人瞻殊羽陳朝珮
高塵架累不獨藉田禾將軍子著也瑯琊健舉赫
連韶秀雖其行事不少槩見亦足以傳謝洪石三
高士遭世屯暮共沐清流庶幾水爲醴泉樹爲交
讓者哉建邦之始名下無多固已掩映前籍矣

宋列傳

漳州府志卷之十九

四

三百五十六

黃彥臣

子

碩

碩

碩

碩

孫

杞

朴

樵仲

樵

黃彥臣字叔燦龍溪人弱冠登治平四年進士初授南寧簿宿州錄叅歷知長汀南安二縣倅泉廣二州守莆汀劍建四郡官至朝散大夫累贈少師彥臣倅郡時獄鞫強盜守欲亟寘之法彥臣疑其寃故緩之果獲真盜時鹽禁甚嚴私販者至百斤論死在汀日有販鹽被捕至者計斤當死彥臣置鹽郡庭不問久之鹽化爲滷斤隨減百許人俱得不死劍建舊俗苦丁錢有生子不舉者後丁錢奏免以口食艱仍不舉

倒數第 1 行
以口食艱仍不舉

彥臣乃令保正月報數於官給錢贍之後爲定式彥臣教子甚篤嘗慮宦養壞性每之官不令侍行諸子皆奮爲聞人長子願尉晉江時造一肩輿以奉彥臣彥臣惡其侈焚之貽書切責云候歸日當夏楚願覽書皇汗若無所容其清嚴類此有文集二十卷雜文數卷行世子七人願以世賞入官碩頤頤頤連登進士頤顯弁累薦免省孫渙曾孫樵仲杰樵皆踵世科各有傳

黃願字脩可彥臣長子也宣和中以父任補齋郎調晉江尉知上杭清池二縣歷樞密院國信所編脩大

府司農寺少卿靖康初知楚州值京東震恐有劉士忠者肆爲浮言願便宜梟其首以安衆乃請罪于朝璽書嘉獎之旣車駕巡幸覩城壁脩固軍民晏輯除直徽猷閣及駐蹕維揚加龍圖閣徙知揚州安撫淮南東路朝論以願熟于邦計將除戶部侍郎有阻之者乃加右文殿脩撰建炎二年虜騎薄城下時相黃潛善倉皇命願赴京口因坐失守削秩上知之深未踰年盡復原官遂乞休致官至大中大夫爵龍溪縣關國男優游里第十五事繼母以孝聞子孫數世皆以門蔭補官子濤宣義郎泳承奉郎贈中散大夫

沈通仕郎杞朝請大夫梓廸功郎卒時尚書程瑀銘
其墓

黃碩字若冲彥臣第二子大觀三年以上舍生與弟
預同登進士初調建昌教授外臺交薦自江寧刑曹
累官至朝散大夫年五十恬於仕進奉祠里居教授
生徒筆周禮講義時遷學不利碩請復舊捐祠俸以
倡之及卒郡守李彌遜祭以文曰隱居好學遠近慕
之其陽亢宗之流乎不慕官榮優柔卒歲其馬少游
之儔乎時以爲知言長子淵宣教郎澂從政郎孫茂
先將仕郎朴朝散郎曾孫用之從事郎

黃預字幾先彥臣第三子崇寧間兄弟同遊壁水預
爲舉錄第穎爲學諭詩號二黃諫議陳師錫期必中
魏科以女妻之大觀三年果與兄碩同登進士初調
汝州教授未上學官列薦除大學正時舍法盛行預
篤意訓導特轉兩官出知桐廬縣有惠政築亭曰虛
舟作記以自況入爲監察御史以直言忤蔡京貶邠
州宜祿尋起爲廣東倉未行復貶宜祿卒漕使傳自
得作文弔之謂其才高毀至道直怨多云有書解行
世子瀟不仕孫樵仲杰樵登進士俱免省

黃穎字秀實彥臣第五子年二十四以上舍免省